



21. februar 2017

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit ineriertornikkut akorngutillit / inuit annertuumik innarluutillit qanigisaasa tarnip pissusaanut immikkut ilisimasalimmit ikiorneqartarnissaat pillugu:

1. Ineriertornikkut akorngutillit / inuit annertuumik innarluutillit qanigisaasa pisortat akiligaannik tarnip pissusaanut immikkut ilisimasalimmit ikiorneqartarnissaat qanoq periarfissaqarpa?

2. Naalakkersuisut sulissutiginiarnerlugu Annertuumik innarluutillit ikiorneqartarnerat pillugu Inatsisartut peqqussutaanut nr. 7-mut, 3.november 1994-imeersumut allannguutissamik saqqummiussinissaminut, ersarissumik allassimalersillugu, ineriertornikkut akorngutilimmut / inummut annertuumik innarluutilimmut qanigisaasut pisortat akiligaannik tarnip pissusaanut immikkut ilisimasalimmit ikiorneqarsinnaalissasut?

3. Ineriertornikkut akorngutilimmut / inummut annertuumik innarluutilimmut qanigisaasut pisortat akiligaannik tarnip pissusaanut immikkut ilisimasalimmit ikiorneqarsinnaalernissaat Naalakkersuisut naliliinerat naapertorlugu qanormita akisutigissava? (Nalunngilara taamaallaat taggiisoqarsinnaasoq, taamaakkaluartorli tigussaasumik aningaasartaliisoqarnissaa/ningaasatigut sinaakkusiisoqarnissaa kissaatigaara).

(Inatsisartunut ilaasortaq Justus Hansen, Demokraatit)

Tunngavilersuut:

Qularutissaanngilaq tarnikkut ilungersunarsinnaammat ineriertornikkut akorngutilimmut / inummut annertuumik innarluutilimmut qanigisaalluni. Soorunami pingaaruteqarpoq qularnaassallugu ineriertorermikkut akorngutilinnut sapinngisamik pitsaanerpaanik sinaakkuteqartitsnissaq aamma ineriertornikkut akorngutillit / inuit annertuumik innarluutillit pitsaanerpaanik atugaqartitsinissaq, aammali Demokraatinut pingaaruteqarpoq qularnaassallugu, qanigisat ulluni naliginarni



inuunerminni pisariaqartitaminnut ikiorneqartarnissaat.

Tamanna tunngavigalugu isumaqarpugut eqqarsaatigineqartariaqartoq pisortat akiligaannik tarnip pissusaanut immikkut ilisimasalimmit qanigisat ikiorneqartarnissaannut pitsaasunik periarfissaqartitsinissap qularnaarneqarnissaa.

Apeqquuit akeeqquakka ullut suliffiit naliginnaasut qulit iluanni.